



尔時世尊處在大衆猶如日輪光明赫奕隱蔽衆星譬如大龍蟠蘭椿輪精練衆爛觀之眩思之意亂威光晃曜色無等喻猶如火光日出不現日月雖有百千光明方於帝釋譬如聚墨帝釋雖有身淨妙光方大梵王所有光明猶如瓦礫方於夜光摩尼寶珠大梵天王雖有淨妙百千光明方於如來所有光明亦如聚墨何以故如來圓光七尺乃能遠照十方世界其中衆生遇斯光者盲者得視僂者得伸拘躄衆生即得手足邪迷衆生得覩真言以要言之諸不稱意皆得如願尔時會中有七十大菩薩摩訶薩即從座起頭面礼佛遶百千匝却住一面異口同音說有千偈讚歎如來其名曰不思議菩薩離覺音菩薩惟念安菩薩離垢稱菩薩無量音菩薩大名聞菩薩明寶髻菩薩堅師子菩薩獨遊步菩薩捨所念菩薩及智積菩薩意善住菩薩無極相菩薩慧光曜菩薩消強意菩薩能擁護菩薩至誠英菩薩蓮華界菩薩衆諸安菩薩聖慧業菩薩持功勳菩薩無思議菩薩淨梵施菩薩寶事業菩薩處天華菩薩善思惟菩薩無限法菩薩名聞意菩薩已辯積菩薩自在門菩薩十種力菩薩有十力菩薩無所越菩薩大聖慈菩薩遊寂然菩薩在於彼菩薩無數天菩薩須弥光菩薩極重藏菩薩因超越菩薩而獨步菩薩威神勝菩薩大部界菩薩以山護菩薩持三世菩薩

薩有功勳菩薩宣名稱菩薩曰光明菩薩即
子英菩薩時節王菩薩師子藏菩薩示現有
菩薩光遠照菩薩山師子菩薩有取施菩薩
真能勝菩薩為家幢菩薩喜悅稱菩薩堅精
進菩薩無損減菩薩有名稱菩薩無恐怖菩
薩無著天菩薩大明燈菩薩世光曜菩薩微妙
音菩薩執功德菩薩除闇冥菩薩無等倫菩
薩各於佛前發誓願言我等於世尊滅度之
後護持佛法於十方界廣令流布使不斷絕何
以故我等今日覩如來不可思議妙色光明於
光明中皆得聞不思議佛法既聞法已離於
心障累結永消身心清淨是如天金萬品斯照
我等思惟如是等功德利故於如來所生大師
想生慈父想常念佛恩當報佛恩何以故得
聞正法不久當坐道場轉正法輪度脫一切
衆生皆令以得聞法故得成阿耨多羅三藐
三菩提今時釋迦如來告一切大衆言是七十
大菩薩摩訶薩久於過去無量百千萬億
微塵阿僧祇劫數中已曾供養無量百千萬
億恒河沙世界微塵數諸佛於諸佛所常修
梵行供養諸佛心無疲倦以慈修身善護佛
法不捨大悲常於十方利益一切若有衆生臨
命終時若聞一菩薩名若二若三若四乃至七
十稱名歸命者命終即得往生有佛國土蓮
華化生遠離婬欲不處胞胎離諸臭穢其身
清淨有妙香氣衆所恭敬人所愛念為人所
敬心愛念故其心歡喜以歡喜心故即能發於
阿耨多羅三藐三菩提心以發阿耨多羅三

須三菩提心能於一切衆生起大慈悲心以發
慈悲心已次亦生於利益衆生心以能利
益衆生心已復能發於不捨衆生心利益衆
生心自利利彼心滅除障礙心寂靜煩惱心
能親近善友常生恭敬專意聽法心意持
不忘思惟妙義心願少聞多解義心不願
於多聞而不解義心次生信如心信如實
義心以生如實義心已次生如說修行心以生
如說修行心已次生不退轉心以生不退轉心已
於諸衆生即生等對治心如我不喜死一切三
界二十五有有形無形四足多足乃至蟻子有
命之屬亦復如是是故菩薩乃至自喪身命
終不枉奪他命如我有錢穀帛衣被飲食象
馬車乘國城妻子身體手足供養擁護不
喜他人橫來侵害者一切衆生亦復如是是
故菩薩乃至自喪身命終不於諸衆生衣財
飲食生於劫奪之心如我不喜他人欺誑斷
我妙色姊妹妻妾者一切衆生亦復如是是
故菩薩乃至喪身失命於他美色不生邪念
染汙之心況行奸惡如我不喜面毀兩舌惡
口一切衆生亦復如是是故菩薩乃至喪失
身命終不妄言兩舌闕亂彼此如我不喜杖
石鞭打榜笞拷掠者一切衆生亦復如是是
苦惱者一切衆生亦復如是是故菩薩乃至
喪失身命終不加鎖繫閉枷械衆生如我不
喜為人所趁強迫怖威恩所逼恃怙刑勢

壓伏截遏不令而自炳說自顯清白者一切衆生亦復如是是故菩薩乃至喪失身命終不非理加於衆生如我為人之所供養尊重讚歎令我歡喜者我亦當常布施衆生衣被飲食卧具醫藥一切樂具若我造作大事若佛事法事僧事智力有限不能令其成辦憂愁苦惱若有智者見我如是憂患懊惱不能令事得辦便報我言善男子莫憂愁也我當供辦稱意所須令汝事辦我聞是語心生歡喜是故我亦當常勸化衆生利益衆生如我為王賊水火縣官所逼若繫苦閉心生愁毒復有智者見我如是遇衆苦難便往我所善言誘喻告言莫愁苦也我當為汝求哀國王若諸大臣若供給財賄若設餘方便令汝解脫使無畏惱我聞是語心生歡喜是故菩薩常當勤修伎藝多聞功能音樂倡伎曆數算計呪術仙藥服乘象馬兜牟稍箭出陣入陣有大功武我有如是衆妙技藝一切衆人若王大臣不敢違逆我意兼我復有衣財飲食珠環釵釧金銀珊瑚琥珀硃碼碯真珠玫瑰摩尼寶珠象馬輦輦僮僕作使宮人美女流泉浴池七寶臺觀如是種種微妙無量百千菩薩雖有如是威武隨意技藝百千寶藏象馬車乘無量美色勝妙臺觀流泉浴池一切五欲樂具心不貪著而常少欲知足好樂閑靜山林樹下安禪靜默雖處大衆言談語論而心常入對治門中雖與衆生和光塵俗出內財產生業自利終不為惡利益衆

生若有貧窮及諸苦惱來從菩薩求索所

塵俗出內財產生業自利終不為惡利益衆
 生若有貧窮及諸苦惱來從菩薩求索所
 須菩薩隨意稱心給與菩薩若見有衆生愛
 樂佛法而來親近供養承事奉侍洗足按
 摩浣濯乾曬楊枝澡水拂拭牀敷卷疊被枕
 初夜後夜供給燈燭前食後食歎波那食蒲
 闍尼食佉陀尼食及諸漿飲所謂與利師漿
 馥勒奢菓漿蒲桃漿黑石蜜漿如是承事乃
 至一七至九十日為欲求請菩薩聽聞佛法菩
 薩念時雖見是人如是供給心不歡喜何以故
 菩薩久於無量阿僧祇劫中為求佛法故我
 為一切衆生心無增減故以慈悲心故住平等
 心故今時作轉輪聖王常以十善導化一切衆
 生為我意故歡喜奉行命終之後得生人天
 受微妙五欲快樂尊嚴豪貴隨心適意卧起
 天宮服乘鞍馬遊戲園苑伎樂自娛歡喜飲
 食無常卒至老病喪亡家室男女愁毒懊惱
 舉聲大哭以手推胃或時拔髮食啖灰土悶
 絕躄地持幡乘車啼哭送之殯埋既竟室家
 男女手相扶持還歸本家愁毒悶絕良久
 躄地或時致病或時狂癡或時致死於生者
 大損於死者無益是時轉輪聖王前後導
 從察行國界見諸衆生受斯苦惱愍而哀
 傷而作是言夫為王者主領國土攝諸衆生
 雖以十善導化果得如是微妙五欲而不免
 生老病死無常敗壞當知我雖以正法治國
 無益於物若無益於物云何名為大轉輪王
 云何復名為大慈父云何復名為大醫王云何
 復名為大導師夫導師者導以正路示涅槃

徑使得無為常得安樂我等今者名不稱行
譬如有人渴乏垂命東西馳走求索冷水遇
見空井心生歡喜而作是念今我此身便為
更生何以故若不得水命終不遠今見好井
必其望得清淨冷水濟我虛渴運急之命
作是念已馳奔往取往到井上脫所著衣舉
著一處入井取水而不得水唯見毒蛇守宮
蝮蝎百足之屬瓦礫荊棘及諸草穢今時渴
人失本願故既不得水衆毒螫身尋欲出
井其井朽故陷墜巖其朽故井深一箭道
既無梯墜繩索杖木雖復勇身上昇勢不能
高氣力羸憊還墮井底為諸毒蛇之所啖食
命未斷頃而作是言我若先知此井無水
尚不眼規而况往取今日苦毒為井所誤

今時轉輪聖王見諸人民室家男女恩愛分離
受苦惱時而作是言今我身者喻如空井雖
有井名而無有水現有所趣而無所獲喪失身
命苦惱如是我今雖處於轉輪聖王之位七
寶具足十善導化正法治國令諸衆生生人
天中受於微妙五欲快樂故未能免生老病死
恩愛分離怨憎和合憂悲苦惱更相哭泣然
是我過非衆生咎所以者何以我無有出世間
法利益一切衆生雖從於我諮受善法望獲
安樂而實不能越於苦海今時轉輪聖王復
作是念我身今者喻如無智大癡施主今時
施主值天大旱七年不雨樹木焦乾時世飢饉
穀米勇貴人民飢餓互相茹食飲血啖肉更
相殘害枉濫無辜或父食子或子食父父母

兄弟妻息男女更相食敗今時太施主遊行

相殘害枉盜無辜或父食子或子食父父母

兄弟妻息男女更相食敗令時太施主遊行
觀看見諸衆生飢餓顛顛頭髮蓬亂形體瘦黑於其肩
虛微顏貌顛顛頭髮蓬亂形體瘦黑於其肩
上或見擔揭純是死人所有頭手節腕臂肘
脊脅肩臂臍踵足指或是肝膽腸胃時大
施主微聲問言汝所擔揭者是何物也答言
我所擔者是死人頭手臂肘節腕也問言
以擔是死人臂肘節腕何所作為答言汝不知
也天時亢旱時世饑饉穀米涌貴人民飢餓
相食耳我所擔者是我飲食令時施主聞是
語已心驚毛豎悶絕躄地以冷水灑面良久方
蘇復更問言雖是汝食是何人肉令時餓人聞
是語已舉聲大哭憂悲斷絕報施主言不可
言也痛哉痛哉恠哉恠哉大施主我今情實
相語我所擔者或言是父或言是母或言妻
子或言兄弟宗親骨肉令時諸飢餓人各各
以情實自說因緣大施主更無餘事我等以
飢餓因緣故還相敗食耳令時施主聞是語
已飲氣歎息報衆人言汝等今者更莫共相
食敗也若有所須衣被飲食種種場藥所須
之物却後一七汝等大眾皆集我家我當隨汝
所須衣被飲食病瘦場藥稱意給與衆人聞
已心生歡喜歎言善哉善哉未曾有也

令時施主還到其家嘆其夫人及其子息僮
僕作使一切皆集於衆人中和顏悅色發柔
言告喻妻子及諸作使汝等應當至心聽我
所說汝等知不天時炎旱時世飢饉人民飢
餓死者無數我等居家庫藏盈滿穀米無

大方廣佛華嚴經卷第二 第八引

豈可共及時種福田耶妻子聞已善哉善哉
快善無量我等身命亦隨施主况於大藏錢
財飲食也尔時施主心生歡喜汝等今者真
是我無上道伴善哉善哉汝等諸人應當各
各而自處分隨所應作隨所應為應作者便
作應為者速為却後一七必令成辦尔時施
主二處分已竟即自出外處處觀看何處
當有平地寬博安施壇施即時安著靖淨之
處除去沙鹵株杻荊棘其地靖淨安施牀敷
氍毹毼毼即時安施大眾坐處已嚴駕五百大
象負載飲食運趣施壇飲食如山乳酪如地膏
油餅脯種種餽膳百味具足兼有種種衣服珠
環嚴釧象馬七珍種種具足莊嚴已竟却後一
七明相舉時亦於七日朝椎鐘鳴鼓吹大鼗貝
高聲唱言一切大眾皆來集於大施主壇

尔時衆人間是唱聲心生歡喜如蒙賢聖
間是語已尋聲往趣大會施壇隨意所取
衣被飲食珠環釵釧百種湯藥象馬七珍隨
所好意恣意選取尔時施主所施之物衆人持
去已盡尔時施主心生歡喜已即還歸家室
家妻子歡喜受樂五欲自娛却後一七聞外
人言先所受施衣被飲食者皆藥發而死或
因死者皆發是言恠哉恠哉是大施主雖有
慈愍供給所須衣被飲食雖復當時充飢解
渴得濟身命於後數日藥發喪命時大施主
憂恚懊惱問其妻子汝等云何成熟飲食使
惡毒藥令墮食中妻子作使諸僮僕等皆言
不尔若不尔者毒從何來答言不審尔時施

主重自檢校即入家中次第索行見一井水見覆
蓋頭問諸人言此是何井家人答言此是施主
於小兒時養三毒蛇穿此一井安置其中此
井是毒蛇住處水亦是毒蛇飲者殺人施主見
已問作使言汝等先作食時不取此井水用
作食也作使答言飲食猥多當時運急汲取
此水用作飲食大施主言恠哉恠哉如我今
者愚癡無智云何養此毒蛇作此毒井告
語妻子速往填塞中三毒蛇者為吾燒殺是
時作使速往除滅今時施主滅毒井已出外
觀看見受施主藥發而死異口同音皆言
坐此施者與我毒食令我早喪身命我若
先知此食有毒者終不敢食今時施主聞
是語已心生懊惱如彼轉輪聖王雖復十善
導化令諸衆生得生人天雖受如是微妙五欲微
妙快樂猶未能免生老病死時轉輪聖王
尋發願言我今應當求索無上佛法出出
間法令諸衆生讀誦習遠離生死得至涅槃
今時轉輪聖王為求佛法故於閻浮提遍處
宣令誰解佛法大轉輪王欲得說習處處宣
令皆云言無到一邊小國中有一婆羅門解知
佛法今時使者逕往詣彼至婆羅門所問言
大德解佛法耶答言解耳今時使者頭面礼
足報言大師大轉輪王欲相願命唯願大師
屈神德往至彼轉輪王所時轉輪王遠出奉
迎頭面礼足問評起居月陟塗路得無疲倦
也即請入宮於正殿上敷王御座前請大師願
坐此座時婆羅門即昇妙座結跏趺坐

坐此座時。見於大師端坐。已定供給。所須施安。
今時大王見於大師端坐。已定供給。所須施安。
已竟。合掌向於婆羅門。自言。大師解佛法耶。
時婆羅門報言。吾解佛法。今時大王報言。
大師為我解說。婆羅門言。王大愚也。吾學
是佛法。久受勤苦。因乃得成。今者大王。云何
直欲得聞。今時大王。言。大師言。欲須何物。婆羅
門言。與我供養。王言。所須供養。為是何物。衣
被。飲食。耶。金銀。珍寶。耶。婆羅門言。吾不須如
是供養。王言。若不須如是供養。者。象馬車
乘。耶。國城妻子。耶。音樂倡伎。耶。婆羅門言。
吾都不用。如是供養也。若能就王身上。刻作
千瘡。灌滿膏油。安施燈炷。然以供養者。吾當
為汝解說佛法。若不能者。吾欲起去。王未答
頌。尋下高座。今時大王。即前抱持。報言。大師
小復留懷。今我智慧微淺。功德薄少。不須自
思。惟當奉供養。

今時轉輪聖王。即自思惟。而作是念。我從無
始。世界已來。喪身無數。未曾為法。今我此身。
當歸壞敗。都無所為。今日正是其時。仰報大
師言。所須供養者。當速辦之。今時大王。即入官
中。報諸夫人。而我今者。共汝等。別時諸夫人。
聞王語已。心驚毛豎。莫知所由。微聲問王。王
欲何去。王言。今者我身。欲刻作千燈。供養
大師。時諸夫人。聞王語已。死轉蹣地。舉聲大
哭。悶絕。吐逆良久。蘇息。報大王言。天下所重
莫若己身。恭敬尊重。隨時將養。懼畏不適。
今者云何。毀害捐棄。王是智人。而於今日。如似
顛狂鬼魅。所著耶。王言。不也。若不尔者。何緣

如是作此苦惱供養是婆羅門何所為也王
報夫人欲求佛法為一切衆生若為一切衆生
今日云何便見孤棄王報諸夫人言天下恩
愛皆當別離是故吾今以身供養欲為汝
等及一切衆生於大閻室然大智燈照汝生
死無明黑闇斷衆累結生死之患超度衆難
得至涅槃故汝等諸人今者云何違逆我心
時諸夫人聞王語已默然不對心悲郁壹舉
聲大哭自拔頭髮乃擗面目復發聲言我等
薄相生亡我所大王有五百太子悉皆端正聰
明智慧人相具足其父愛念喻如眼目今時
大王語諸子言我於今日欲設供養恐身
命不濟與汝等別國土人民所有王法從大
者治時諸太子聞是語已身體肢節筋脉
抽切譬如人噎又不能咽復不能吐微聲問父
王言今日云何永棄孤背時諸太子前抱王
頭或捉手足舉聲悲哭恠哉恠哉今日云何
永失覆護今時大王諫曉諸子即為宣說天
下恩愛皆有別離諸子言雖如父王所說心
情戀慕不能捨離大王今日當賜一願令諸
子等持此身命奉上大王為王供養婆羅門
師王言諸子幼稚未有所識未能堪辦如是
供養如我今者遠請大師許相供養不得違
惜夫為孝子不違父意汝今云何違逆我心
時諸太子聞是語已舉聲吼喚驚動神祇
舉身投地如大山崩今時大王復與諸小國
王一切辭別還至殿上往大師所脫身嬰珞上
妙衣服舉著一面端身正坐告諸大臣諸小

國王五百太子二萬夫人汝等今者誰能為吾剗身千瘡夫人太子及諸群臣皆共同心而作是言我等今者寧以利刀自剗兩目終不能以手剗王身也今時大王心生憂惱而找今者單子孤露大衆之中乃無一人見佐助也今時大王有一旃陀羅其性弊惡人所怖畏尋聲往趣語太子言且其憂苦也找有方便能令大王事不得成若不成事還王領國如本不異諸太子聞是語已心生歡喜時旃陀羅往到王前語大王言大王今者何所作為剗身千瘡供養大師時旃陀羅言欲剗身者找能為之王聞是語心生歡喜報旃陀羅言汝今真是我無上道伴時旃陀羅即在王前喊喊喻張高聲唱言大王當知殺人之法斷頭截頸割斷手足抽筋拔肋苦痛如是大王今者能堪是不王聞是語心懷歡喜時旃陀羅持牛舌刀就王身上於胸速須遍體剗作數滿千瘡時旃陀羅謂王意退而返不移投刀於地馳走而去

今時大王於身諸瘡灌滿膏油已取上妙細氎纏以為炷今時婆羅門大師見於大王作是事已作是念言找今應當先為大王宣說佛法何以故大王今當然身諸瘡恐命不濟命若不濟誰當聽法思惟是已告大王言精進如是難為能為修此苦行為聞佛法諦聽諦聽善思念之今當為王宣說佛法王聞是語心大歡喜譬如孝子新喪父母其子愁毒苦不可言父母還活其子歡喜王聞是

大方廣佛報恩經卷第二 第三十三張 覆字
語亦復如是時婆羅門即便為王而說半偈
謂興衰法

夫生趣死 此滅為樂



王聞法已心生歡喜告諸太子及諸大臣而作
是言諸人若於我有慈愍心者應為我憶持
是法於諸國土處處聚落有人民處城市巷
陌宣大王命諸人當知大轉輪王見諸人民一切
衆生沒於苦海未能出要於諸衆生起大
悲心刺身千燈求此半偈諸人今當感大
王大慈悲心應當書寫此偈誦讀翫習思
惟其義如說修行諸人間是語已心生歡
喜異口同音讚大王言善哉善哉王真是大
慈悲父母為諸衆生修此苦行我等應當速
往書寫或紙或帛或於石上或於樹木瓦礫
草葉溪徑要路多人行處亦皆書寫其見
聞者皆發阿耨多羅三藐三菩提心

今時大王即然半燈供養大師其明遠照十方
世界其燈光中亦出音聲說此半偈其聞法
者皆發阿耨多羅三藐三菩提心其光上
照乃至忉利天宮其燈光明悉能隱蔽諸天
光明時忉利天王見此光明遠照天宮即作
是念以何因緣有此光明即以天眼觀於世
間見是大轉輪王以大慈悲熏修其心為一
切衆生故刺身千燈供養大師為度一切衆
生故是故我等今當往於世間勸誡佐助令
心歡喜即下世間化作凡人往詣王所問大王
言刺身千燈修此苦行為求半偈何所作為
報言善男子我為一切衆生故今發阿耨多

報言善男子我為一切眾生故令受此苦

大方便佛報恩經卷第二 第十四張 覆字号

羅三藐三菩提心。尔時化人即復釋身光明
威曜皦然炳著。時天帝釋報六王言。作是供
養願求天王。耶魔王梵王耶。是時轉輪聖
王報天帝釋言。我亦不求人天尊貴。正欲求
阿耨多羅三藐三菩提。為一切眾生故。不安
者。安未解者。解未度者。度未得道者。欲令
得道。天帝釋言。大王。今者不乃愚耶。求阿耨
多羅三藐三菩提者。久受勤苦。乃可得成。汝
云何欲求無上道耶。報天帝釋言。假使熱鐵
輪在我頂上。旋終不以此苦退於無上道。汝
雖發是言。吾不信也。時轉輪聖王即於天帝
釋前立此誓言。我若不真實求於阿耨多
羅三藐三菩提。欺誑天帝釋者。使我千瘡
終無愈時。若不尔者。血當為乳。千瘡平復。說
是語時。即復如故。天帝釋言。善哉善哉。大王
真是大悲修大悲者。如是苦行不久當得阿
耨多羅三藐三菩提。得三菩提時。要先度我
時。天帝釋放大光明。遍照王身。與百千諸天
俱時發阿耨多羅三藐三菩提心。五百太子
見其父王身瘡平復。歡喜無量。即前頭面礼
足。却住一面。合掌向父。異口同音俱發聲言。未
曾有也。今者父王真是大悲。愍傷一切王。報太
子汝等若是孝子者。當發阿耨多羅三藐三
菩提心。是諸太子聞是語已。心生歡喜。感父
王重恩。分故尋聲。即發阿耨多羅三藐三
菩提心。二萬夫人百千姝女。亦復如是。尔時眾
中有十七恒河沙等眾生。皆發聲聞。辟支佛
心。復有無量天人及皁闍婆阿脩羅迦樓羅

心復有無量天人及乾闥婆阿脩羅迦樓羅

大方便佛報恩經卷第二 第十五張 釋尊

緊那羅摩睺羅伽人非人等見聞是已皆發

道心歡喜而去

二 主

變

大方便佛報恩經發菩提心品第四

尔時會中有一天菩薩摩訶薩名曰喜王即從
座起偏袒右肩右膝著地合掌仰白如來而
作是言菩薩云何知恩報恩佛告喜王菩薩
善男子諦聽菩薩摩訶薩知恩者當發阿
耨多羅三藐三菩提心報恩者亦當教一切衆
生令發阿耨多羅三藐三菩提心若發菩提
心云何而發菩薩因何事故所以能發善男
子菩薩摩訶薩初發三菩提心時立大誓願
作如是言若我得阿耨多羅三藐三菩提時
當大利益一切衆生要當安置一切衆生大涅槃
中復當教化一切衆生悉令具足般若波
羅蜜是則名為自利亦名利他是故初發
菩提心者則得名為菩提因緣衆生因緣正
義因緣三十七助道法因緣攝取一切善法根
本是故菩薩名善大善亦名一切衆生善根能
破一切衆生身口意等三業諸惡一切世間
所有誓願及出世間所有誓願無有能勝
阿耨多羅三藐三菩提如是誓願無勝無上
菩薩摩訶薩初發三菩提心時有五事一者
性二者行三者境界四者功德五者增長菩
薩若能發菩提心則得名為菩薩摩訶薩
定得阿耨多羅三藐三菩提修大乘行是故
初發菩提心即能攝取一切善法菩薩摩訶
薩發菩提心修行漸得阿耨多羅三藐三
菩提若不發心終不能得是故發心即得阿

善哉者不發心終不發心

大方便佛報恩經卷第二 第十六張

將多羅三藐三菩提根本菩薩摩訶薩見
苦衆生心生憐愍是故菩薩因慈悲心故能
發阿耨多羅三藐三菩提心因阿耨多羅三
藐三菩提心即能習三十七品因三十七品故得
阿耨多羅三藐三菩提故發心名為根本發
菩提心故行菩薩尸羅是故發心為根本因
名枝名葉次名華次第名果亦名為子菩薩
發心畢竟不畢竟乃至得阿耨多羅三藐三
菩提終不退失不畢竟者有退有失退有二
種畢竟退不畢竟退畢竟退者終不能發
阿耨多羅三藐三菩提心不能推求修習其
法不畢竟退者求菩提心修習其法是菩提心
有四種一者若善男子若善女人若見若聞諸
佛菩薩不可思議事今時即生信敬之心作是
念言佛菩薩事不可思議若佛菩薩不可思
議事是可得者我亦當得阿耨多羅三藐
三菩提是故至心念於菩提發菩提心復有不
見諸佛菩薩不思議事心聞諸佛菩薩秘密
之藏聞已即生信敬之心得生信心故為阿耨
多羅三藐三菩提及摩訶般若如是故發菩提
心復有不見諸佛菩薩不思議事亦不聞法
見法滅時復作是念無上佛法能滅衆生無
量苦惱作大利益諸佛菩薩能令佛法久住
不滅我今亦當發菩提心令諸衆生遠離煩
惱願我此身受大苦事護持佛法久住於世
故發菩提心復有不見諸佛菩薩法滅時唯
見惡世諸衆生等具重煩惱貪欲瞋恚愚癡
等無慚無愧慍慍等嫉妬恚癡苦惱等不信

邪疑煩惱等見是事已即作此念大惡世
時衆生不能修善如是惡時尚不能發二
乘之心何況阿耨多羅三藐三菩提心我今
當發菩提心發菩提心已乃當教一切衆生令
發阿耨多羅三藐三菩提心

今時喜王菩薩復白佛言世尊菩薩知恩
自發菩提心菩薩報恩教一切衆生令護菩
提心者如來世尊於生死時發菩提心因何
事發佛言善男子過去久遠不可計劫生
死中時以重煩惱起身口意業故墮在八大
地獄所謂阿訶訶地獄阿婆婆地獄阿波波
地獄銅釜大銅釜黑石大黑石乃至火車地獄
我於今時墮在火車地獄中共兩人並挽火車
牛頭阿傍在車上坐銜脣切齒張目吹火口
眼耳鼻煙焰俱起身體殊大臂脚蟠結其色
赤黑手執鐵杖隨而鞭之我時苦痛努力挽
車力厲前進時我徒伴劣弱少力劣弱在
後是時牛頭阿傍以鐵叉刺腹鐵杖鞭背血
出沐浴隨體而流其人苦痛高聲大喚苦
痛難忍或稱父母或稱妻子雖作如是唱
喚無益於已我時見是受大苦惱心生哀愍
因慈心生故發菩提心為此衆罪人故勸
請阿傍此罪人者甚可憐愍小復加哀垂
慈憐愍阿傍聞已心生瞋恚尋以鐵叉前刺我
頸尋時命終即時脫於火車地獄百劫中罪
我以發阿耨多羅三藐三菩提心故即脫火車地
獄之罪佛告喜王挽火車者今我身是因發
菩提心故疾得成佛是故當知一切衆生發菩

普提心故疾得成佛是故當知一七

大方便佛報恩經卷第二 第十八張 覆字號

提心其事非一或因慈心或因悲心或因施心
或因慳心或因歡喜或因煩惱或因恩愛別
離或因怨憎和合或因親近善知識或因惡
友或因見佛或因聞法是故當知一切衆生
發菩提心各各不同喜王當知菩薩摩訶
薩知思報恩其事如是說是法時八億萬
人發阿耨多羅三藐三菩提心一切大衆中
有得須陀洹乃至阿羅漢時天龍鬼神人
及非人亦能發聲聞辟支佛心聞法歡喜頭
面作礼右遶而去

大

大方便佛報恩經卷第二

